

頤  
道  
堂  
詩  
選

頤道堂詩選卷二十八

錢塘 陳文述 退菴

庚寅八月二十七日六十初度書示家人

六十今朝是須眉感故吾所欣慈母健其奈愍孫愚玉局  
三生石金丹五嶽圖山深更林密此意祇區區

人間經兩世此後屬餘年泉石來心上烟雲過眼前禪叅  
初地佛道契小遊仙閒采華芝去空山任醉眠

久作歸耕計西泠有舊廬秦亭傍先隴葛鵲卜幽居竹種  
千竿足蔬營五畝餘桃花二三月更作武陵漁

與君爲眷屬此事本前因已懺情天劫應消孽海塵絳人  
譚甲子黃老守庚申各葆長生訣丹經或有真

李園詩寄李芸甫水部 秉綬桂林

園在桂林城北舊名李園不知所始芸甫葺而居之園始有主有夙因焉與芸甫別十年矣近介黃君穀原致書乞余賦詩因歷敘近況以寄之

人生第一園林福山水中間起華屋池館爭看境若仙琴尊況有人如玉青削峯巒翠染陂西南山水桂林奇不從海外爭三島自向囊中結九疑近接珠崖遠銅柱疊綵山高綵雲曙中有仙家幾洞天仙山祇合仙人住粉署郎官幾輩賢才名人說李青蓮世家久爲南昌重畫派還從北苑傳草堂十志留遺趾不在山林在城市天留福地待才人園名早署蟠根李仙李蟠根古伯陽柯條萬葉溯皇唐

桂堂八柱交枝映玉李星衢燦夜光平泉花木羣芳譜仙人來作名園主左右雲鬢王晉卿東西桂隱張功甫仙山樓閣萬花開花下延賓珠履來萬里遙情隔湘水十年舊夢憶蘇臺蘇臺是我浮家處君亦曾爲寓公寓渡江烟月間瓊花隔座笙歌圍絳樹君理歸裝又幾年桂林雲樹澹遙天有人解憶花前別三疊陽關燭淚前美人湖上春山碧我亦故園新卜宅尚少西溪二頃田依舊全家歸未得辛苦年來漢上游鴟夷蹤跡在扁舟武昌城郭橫江出吹蓬顛過黃鶴樓黃鶴樓高境清曠畫師久識黃公望謂穀原夢餐仙棗採華芝歸來雲笈營華藏昨接黃公一紙書離江春水有雙魚兩篇輞水新居記一卷襄陽雅集圖蠹魚

三食神仙字年來心識叅同契久拋筆硯謝綠絢華胥祇  
學希夷睡多君鄭重遠封題重向花陰覓舊蹊萬疊青山  
何處是登樓極目楚雲西哲兄名重葦廬石更與佳名署  
環碧碧山學士焚銀魚深意長留隱君迹更喜南陔化日  
舒白華朱萼滿庭除長生靈藥延年酒好向花前奉板輿  
君不見蘇公之隄葛仙嶺吾鄉巖壑多明靚地以人傳人  
亦傳名勝千秋歸管領此地名先著嶺南前朝遺跡問誰  
諳山靈破例歌招隱絕勝香山海上龕江山人物攄鴻藻  
翰墨分明見襟抱歐蘇壇坫重南天高文誰似彭錢好我  
作新詩寄翠微樽前懷舊感征衣憶君第一樓頭月極目  
南天秋鴈飛

九月二日金蓋弟子袁蘭雲夫人下降碧城眷屬祇謁恭呈四律

疑是麻姑降蔡經步虛聲裏見娉婷  
青天夜浣嫦娥月銀漢秋明織女星  
定有彩鸞隨羽衛可無朱鳥護窻櫺  
分明南嶽留真誥親隔雲屏仔細聽

珍重靈飛六甲符慈悲肯念愍孫愚  
事原服霧餐霞合功豈禳星禮斗殊  
繭栗但求牛有角羽毛敢說鳳之雛  
培根倘許蘭芽茁香案前頭禮五銖

碧分鄰樹魏壇前祇隔香爐不隔烟  
華髮慈親原是佛緣鬟弟子盡如仙  
世疑寒女黃皆令我識真人謝自然  
欲覺晨鐘鏗一杵願將宿孽懺餘年

性命雙修我所思前因後果也須知久從老氏傳心法更  
禮元君作本師天馬行空名太盛人羊轉轂悔應遲微言  
都是長生訣儘勒墉城玉女碑

輓周雲巖

綺羅着意寫嬋娟周昉丹青妙自然月地花天歸管領粉  
圍香陣寄纏綿六朝水榭無春色七里山塘有暮烟何處  
曉風仙掌路美人會葬柳屯田

輓李荀香

吾園春色萬桃花回首南朝處士家讀畫每呼船載酒題  
詩曾記壁籠紗綠波池冷飄春雪紅雨樓空散暮霞一角  
荒山舊遊處寒巖老樹有啼鴉

碧城聽雨偶憶潘邠老句因足成之

滿城風雨近重陽木葉江城作意涼桂樹蕭疎仍結子菊  
花冷澹自含香題襟集上賡前韻落帽樽前醉幾場畢竟  
登高能踐約晚晴新鴈又迴翔

脉表示靜初

西洋器也玻璃爲之中筩若筆管長七寸許兩端  
圓毬若龍眼一端半珠貯紫水以手掌握之水卽  
由管至空珠以遲速驗人壽夭貴賤云宮禁中視  
脉用以代診

世有時辰表晝夜循其次亦有寒暑表高下辨厥位此表  
以脉名驗脉實奇器中管若筩圓兩端若珠珥瑩澈而中



空云自西洋製中間貯紫泉艷奪仙漿膩一端置掌握泉  
卽驚威洩左右互貫通遲速頗殊致富貴與壽考云可決  
疑似我思人有脉經絡所維繫六脉司五臟筦以任督二  
昔誦岐伯書粗究雲蘭秘調息按精微無過神與氣泉流  
義云何此事有根蒂爾乃得妙解物理云相制永者至陰  
精遇陽卽走避乾坤天地交坎離水火濟一卷黃庭經中  
有周易義紫者由染人間色聊示異若云官禁物何從問  
樊嫺智巧鑿天倪異物慎勿貴斯言甚通達兼得大智慧  
勿譚考異郵且讀叅同契

彌羅閣觀慶蕉園方伯畫蜨

畫蜨人何處琳官迹尚存南華仙入夢東壁墨留痕初地

慈雲近諸天法界尊羅浮雙鳳子應識伴清樽

方伯今官廣東將軍

琴河董申林女史妹重刊法苑珠林女史蔣伯生大

令姬也大令以事謫戍塞外女史偕行發願重刊告

成獲觀奉題四律

三藏文章富精華重石渠佉盧左行字道德右軍書鉛槧

輝龍象丹黃校豕魚篋中真本在珍重護精廬

余藏舊本法苑珠林

及雲笈七籤營精舍貯之

南史小精舍西方大願船穹廬懺邊塞梵筴證人天菩薩

聲聞果沙彌翰墨緣雙修應證取我佛是金仙

鹿女隨龍女金錢聚十方因緣在閨閣姓氏盡姬姜諸佛

皆歡喜六時恆吉祥現身來說法卽此是慈航

大家閨秀捐資助刊

人各一卷  
列名卷末

蔣侯吾好友歸臥燕園春  
文室維摩詰金臺安鬱嬾  
天花飛講席忍草結禪茵  
我欲刊雲笈何人爲鑒真

重九蘭陵舟中

天爲重陽特放晴蘭陵郭外一舟行  
牕明西日暄難解帆趁東風雨易生  
楓葉染紅初雁影柳絲換碧尚蟬聲  
故園三徑知何似採菊東籬憶舊盟

北固山房小集示麗生石瓢

行盡喬林踏古苔一樓高倚八牕開  
山橫曉霧攔江轉雲約秋潮渡海來  
七子應劉誰鄴苑千秋李杜更繁臺  
登臨那免浮生感同是人間有數才

妙香壇步虛詞

曾因王遠召一降蔡經家滄海千年樹羅浮五色花油囊  
沾美醞米粒幻丹砂待勒清臣記瓊碑護紫霞  
麻源春澗外此地有瑤壇羽帔留仙影銖衣護曉寒桂旗  
翔紫鳳芝蓋下青鸞寶籙焚香讀金經演內丹

通元壇步虛詞

福地開句曲高名署隱居親傳茅氏訣別起郭千廬童子  
吹鶩管仙人識鶴書應知天爵貴神武挂冠初  
真誥曾經讀丹經別有方游蹤徧吳越往事感齊梁閣上  
松風靜山中藥草香洞天三十六第一是華陽

華陽隱居詩云發菊小山秋張筵待客留酒逢知己

醉花爲老人愁放眼琴書趣關心仕宦流挂冠今有  
伴還問楚江頭敬步原韻

離菊餞殘秋歸帆此暫留棋因爭劫誤病爲論方愁楚蜀  
雲山遠江淮日夜流客心與征鴈一夜過吳頭

華陽一角秋鶴駕此句留孽境緣人造仙心爲衆愁天空  
河影轉夜靜月華流寸念同悲憫蕭騷感白頭

鵬蜚換春秋駒陰祇暫留名場虛可惜宦海孽堪愁恩怨  
浮雲過繁華逝水流紛紛塵夢覺各自早回頭

緇經夜雨秋猶幸此身留入夢原非夢言愁更欲愁升沉  
銅豪士才藻困名流已識迷津誤回帆古渡頭

銀漢洗清秋仙雲一片留能傳真宰意祇爲衆生愁江表

雲猶帶河源水自流  
征人看太白都在隴西頭

神武挂冠秋仙壇  
今尚留巖棲深自養  
谷隱靜無愁  
白日瞻高致  
青雲仰勝流  
可容松閣下  
丹訣聽從頭

甲子閱春秋  
知還幾載留  
所欣慈母健  
祇爲愍孫愁  
經濟旌前席  
聲華謝末流  
入門非易事  
爭得不回頭

又詩云  
一度一花開  
何人送酒來  
雁孤沙印爪  
江冷水無涯  
爲有彈箏趣  
頻邀作賦才  
凝眸天地外  
禪淨

早春回敬和一首

金繩覺路開  
僥倖入門來  
塵世原多事  
浮生況有涯  
元機叅佛理  
妙悟待仙才  
斗柄天心正  
心回運卽回

張芥航河帥焦山送銅鼓歌並寄山僧借庵

頤道堂詩選卷二十八

七

世間銅鼓今餘幾南昌司馬得其一

萬廉山司馬故物

鞞鞞猶餘

漢代音我昔籌河曾點筆延州河帥今得之愛此輪囷干

載物商量位置何處宜江上青山深鬱律海雲堂中伴二

鼎光映扶桑海東日銅鼓歌繼石鼓歌詩比昌黎更豪逸

定伏波耶諸葛耶

原作句

瘴雨蠻烟迷歲月將多前功悲後

患南征辛苦征輶出古來勘亂在攻心臥龍兵法真無匹

卽今西域又烽烟楊僕威名新授鉞此行應見大人還好

學子儀定回紇銅鼓無聲應海潮蝦蟇靜臥烟霞窟歸舟

帆過海西庵叅禪更禮維摩詰

又題出海泊開山詩後次首詠琅嬛師百粵籌海事

情事相類故及之

萬里黃流盡千峯列彩霞須知兩河忠不在五條沙君趁  
長風去東溟蕩日華地毯圓一握滄海豈無涯  
更憶瀛舟事南天擁節旄蛟臣喧鼓角龍伯護弓刀各抱  
襟懷壯同抒意氣豪從來大臣者忠信涉波濤

哭小曼姪

制淚經三月憑棺灑數行如何名父子同此少年場老母  
頭逾白孤兒口尚黃名場與官海真有小滄桑

兩弟齡雖稚文章喜有緣詩書原世澤孝友更家傳江樹  
斜陽屋淮雲下水船舊廬何處是硯外本無田

汝婦高門女才華夙有名姻緣如弄玉家世本飛瓊匣硯  
寒榮色楹書夜織聲停辛兼竹苦雛鳳早飛鳴



國朝詩話卷二十一  
吾兒亦如此視汝益酸心遠道逾千里遺逋更萬金橫江  
悲夢鶴填海泣冤禽哭汝還相憶天涯淚滿襟

全家歸未得我亦感辛酸空作還鄉夢同歌行路難棲鳥  
驚夜半斷鴈下江干要棘風吹汝西華葛帳寒

姪女君雅

寶嫻

舅兄女也善行楷書得兄筆法賦贈

一律補入西泠閨詠

舞鶴遊天體勢殊而翁書品匹歐虞郝璿解說蘭亭襍衛  
鑠親傳筆陣圖司馬題橋偕貴壻采鸞寫韻學仙姝謝庭  
羣從工吟事能比清才道韞無

題寶恆姪貽硯圖並示姪寶咸姪孫沅澧

元龍湖海士爾父最稱賢氣誼人間重聲華海內傳循良

慙接武騷雅憶隨肩太息遺孤在淒涼話硯田  
硯田留手澤貽硯卽貽書執圖殷勤種經畝次第鋤花吟  
荆樹下筠愛竹林初孝友承先德春風到舊廬

桂宮

桂宮司校錄此是汝生前已歷紅塵劫仍歸碧落天金銀  
消芥蒂文字証因緣良友殷勤意焚香禮玉筵

謂守

揚州新舊謠

十里珠簾碧三更畫燭紅揚州十萬戶戶有春風  
紗帔涼如水羅衣清若空揚州十萬戶戶有秋風

礪墨先生遺稿潘生小江所手輯也感題一首兼弔  
令子竹素觀察

飛花寒食滿春城回首英游似隔生佳句久傳何水部新  
詞爭唱柳耆卿烏衣舊巷懷人夢白袷諸郎感舊情同是  
扶風門下士尊前那不涕縱橫

聞西域警有感

韓公辛苦築三城塞柳初回玉遂聲壯士橫戈猶北戍將  
軍秉鉞又西征雪封戈壁春馳驛雨過河源夜洗兵畢竟  
皇心重柔遠好將長策答昇平

華陽別館詠物

萬寶秋成粒粒珠吳杭蜀稻滿江湖但知官吏催科急曾  
見農家力作無海運三編蟲蝕字鄉園二畝鶴徵租年來  
學得區田法擬向西溪種一區米

府海官山是禍胎奢靡風俗亦堪哀但知陶冶金銀氣空

說調和鼎鼐才高論桓寬留策去罪言杜牧著書來仁利王蓮

石著離務仍言何如盡解吾民愠一曲薰風譜阜財鹽

火盡薪傳洵有諸深林樵採漸無餘植蘆近仿邊淮議余

擬於錢塘江岸植蘆以代薪鑿井新繙論蜀書蜀有火井石壘譙言磨盾夜

劫灰幻說浚池初石壘劫灰皆媧皇黃土搏人後陶冶端

應補太虛邵夢餘有此論薪

原是人間瑞草魁也同靈藥孕胚胎色香以外多餘味卉

木之中有異才碧貢三春馳鳳闕黃封萬里靖龍堆簪

遊正讀西征詔更煮瓶笙酌一杯茶

書白玉蟾草書步虛詞後

詞凡四章其一云昔在神霄府飛雲步玉天玉天  
三十六六苑聚飛仙七帝昇烟殿東皇駕鳳輶真  
靈來億萬聽演太靈篇其二云玉清太生君錫命  
青華房上聞神母言下感天八方八方俱紅塵塵  
埃何迷茫誰復會玉府飛神登蒼蒼其三曰帝在  
蕊珠殿鸞林白鶴翔方令琪花宴遽聽青鸞歌雲  
籠六六天下界徒嗷嗷爾不慕玉府旋迴復奈何  
其四曰清都五雲天天中飛紫瓊上皆青琅府中  
有白玉京風雲淒其冷蕊宮何冥冥玉臺拆珊瑚  
下弄銀河笙詞旨元奧書更飄忽洵仙家翰墨也  
細如遊絲裊晴空靜如蘿帶飄迴風輕如花間蕩春燕嬌

如雲外翔驚鴻神霄散吏紫瓊客手注黃庭煉金液天風  
吹下步虛聲嘯樹簪花無此格書中八仙仙毫揮吾詩惜  
已遺子微見君此冊更奇絕玉天何處飛雲飛近向香壇  
求墨妙墨鸞飛出天花笑華陽靈隱兩書家壓倒會稽王  
逸少古來章草誰擅名游素芝旭皆有聲如君此幀亦奇  
絕筆底疑有蛟螭生我家三一菴前住舊是先生養真處  
倘有丹經待我傳玉厨山畔鮮紅樹

小苧蘿村曲

揚城西偏林薄幽僻中多茆屋名小苧蘿村云數  
年中必產麗人戲成口號

幽絕城西路人言小苧蘿花開復花落春水漾微波

有美生南國，嬋娟第幾家。  
瓊花仙去後，又放一枝花。  
憔悴雙蓬鬢，茆檐晚負薪。  
蛾眉嬌不語，惆悵捧心聲。  
雙髻誰家女，纖蛾爾許長。  
他年采香澤，喚作小夷光。  
楊柳如腰瘦，芙蓉對臉生。  
西城更西去，或有鄭修明。  
有客邗江住，尋芳問玉釵。  
銷魂人絕代，豈獨小秦淮。  
響屧空廊在，埋香弔綺羅。  
西施原不少，祇恐沾吳多。  
我是鴟夷子，年年泛五湖。  
浣紗人不見，清夢落菰蒲。

華陽隱居詩云：一年一度菊花開，  
傲得寒霜又幾回。  
宦海有誰貞，晚節塵心仍待響。  
春雷閉門權挂陳平席，  
沽酒嘗稱太白杯。  
珍重前因與後果，  
青青松柏歲寒材。  
敬和一律。

禮星寒殿月華開  
炊熟黃梁夢易回  
不向蘭臺步任沈  
祇從蓮社問宗雷  
仙心靜以琴三疊  
禪味清於露一杯  
但許空山長老壽  
何須苦說棟梁材

妙香壇文尼詩云  
世途多險我能平  
回憶崎嶇一派橫  
趁此良緣勤積累  
道心珍重衆心傾  
敬和四首

紫清高曠鬱羅平  
梅島雲飛一劍橫  
曾讀三尼醫世說  
九天珠玉總心傾

一樹梅花心太平  
遽聲吹月到參橫  
岳陽樓外青山影  
曾勸仙人玉液傾

機心化盡險纔平  
無事樵門更設橫  
留得仙壇真訣在  
分明煉石補天傾



年來我已此心平玉遠嘗思鶴背橫閒與羣仙賦高會流霞同向月中傾

賦得金門草色

麻源仙壇贈偈云川嶽靈鍾江淮秀鬱道脉淵源金門草色道子佩之四字元理甚深敬賦一律

金門何處是或者卽天門秋結千花帶春回萬木根雲霄青有迹閭闔碧無痕氣象含星魄光華歛日魂仙山種芝朮香國采蘭蓀西母三辰帔東皇太乙旛蒼龍行翠輦紫鳳轉華軒欲答春暉永長雷高厚恩

仙書楹帖

八法真應勝右軍仙家寶翰佛香熏墨痕蜃氣嘘龍氣筆

勢鸞羣接鶴羣上界金壺留法乳下方玉札禮慈雲珠聯  
璧合皆真訣抵得華陽十賚文

題琅嬛師滇南詩後

滇南自古無詩境爲少詩人與詠詩一自籌邊經洱海幾  
番滌筆向昆池黑龍潭上吟唐樹金馬山前問漢祠緬玉  
尋常交桂賤平安不用髣添絲

江源兩派滙金沙持比岷源路更賒

金沙江發源衛藏較岷山遠五千餘里

江發源西番與金沙江合較岷山亦遠三千餘里

節鉞封圻原險要山川物產更

精華天成妙繪三生石

大理石極山水花鳥之妙

地蘊靈香四季花

花事

終年不絕相傳聞佛書中妙香國也

更有雲中朱頂鶴雙飛來傍絳帷紗

呼鷗夜過瀾滄渡放櫂秋吟漾潯溪太華翠分仙掌秀

演省

西南大山名太華非西嶽華山也以禹貢華陽梁州及常璩國志推之則嶼山名以太華為宜山有太華寺極宏麗點蒼青向佛頭低點蒼十九峯第七峯名佛頭春歸屬國來金象秋滿

高臺覽碧雞萬里傳經虹彼岸天南幾處

御書題西山法界寺有萬里傳經四字瀾滄江錢索橋有虹飛彼岸四字皆康熙中聖祖御書也

宜園三壽問何如仙館雲雲艷綺疏宜園有壽石壽柏壽梅及昆華仙館前有

一株題柱新碑摹碧落飛觴高詠壓黃初輶車清暇頻揮

翰鈴閣蕭閒尙著書更喜斜川才筆健後圓圓曲賦瓊琚

公子賜卿有後圓圓曲

將歸吳門呼猿洞主贈詩云風帆指日返蘇臺閣閣

金錢已暗猜遙憶綺牕深院裏春光初上一枝梅敬

和七章

舵樓嘯詠勝登臺鷗鳥忘機莫浪猜一卷丹經仙味永不  
將鍾呂換歐梅

領學分明趙素臺洞天深處莫驚猜華陽福地曾親到先  
奉高堂太古梅

便是羅浮花首臺鶴雛高唳鴈奴精神仙眷屬關心甚先  
問林家幾樹梅

幾重樓閣幾亭臺余間卜居師示云家在六橋花柳外幾重樓閣幾亭臺清淺蓬萊

一任猜計日美人湖上住春光應到故園梅

雪滿闌干月滿臺玉簫換譜小紅猜西溪尚有閒田地不  
種官梅種野梅

癡心真欲築金臺怨李恩牛苦費猜容我山中採芝朮任

人天上話鹽梅

渡江寶筏卽蓮臺偈語分明不用猜洗盡凡心銷盡刼瓶  
花先供佛前梅

通元壇贈別云四旬侍案服良箴心性光明自本真  
淮海恰逢斜月送吳江遙憶晚風生好培羅漢前修  
果得證金剛不壞身堂上階前勤養植達人還待有  
才人敬和一首

一卷崔瑗座右箴也如衡岳禮南真塵根漸向空中滅慧  
炬多從覺後生靈隱呼猿無我相華陽瘞鶴有前身海天  
兜率勞相望待與香山作替人

瓜州雨泊有懷壇中諸子

蓬背響瀟瀟殘燈酒一瓢暗雲沉夜雨遠海納歸潮雁外  
吳天近鷗邊楚澤遙吟情閒不得窓外有金焦  
更憶瑤壇上諸君正盍簪鶴書寒殿靜龍檄古潭深翦燭  
通仙氣焚香發道心華陽貽秘笈應見下青禽

曉雨渡江

金山寺裏鐘初動鐵甕城中夢半酣獨有歸人閒不得一  
帆烟雨過江南

金壇道中懷女弟子吳飛卿郎君顧大令鶴奉

詔從軍西域賦此寄慰

定知憔悴掩雲鬟又見征人出玉關花氣待凝新印綬月  
明重上舊刀環書緘錦字香奩畔夢繞星源雪海間寄語

金閨莫惆悵幾人姓氏在天山

一枕

香燼金爐昨夜焚雞聲纔過雁聲聞霜華銷樹滴微雨水  
影畫隄行活雲聞道南中方奉使有人西去正從軍何如  
高臥吳船穩一枕遊仙趁鶴羣

重至瀨陽呈太夫人

魚書迢遞鴈書沉一棹重停瀨水陰夜夢頻勞登閣望春  
暉難報倚閨心聽談花雨仙壇靜閒話慈雲佛海深增書  
有些好處接仙緣爲向故山營丙舍歸帆風信問歸禽

吳門夜泊聞雞聲作

白雲遺響落淮南又送傳籤到枕函壯志不勞催我舞元

言甚欲與君談半墻月影郵亭折滿地霜華戍客驂喚起  
扶桑一輪日春城萬戶正沉酣

妙香壇偈中金門草色一語余雖賦詩終未得解管  
姬靜初謂當是碧城二字隱語思之良是更賦一律  
鷗波夙慧本如神解說金門草色新黃絹分明題幼婦璇  
機畢竟屬佳人萱承堂上慈顏喜蘭茁階前稚齒春靈藥  
延年芝獻壽根蓼各自有前因

晚過葆元堂呈閔嬭雲師

寒樹鮮溪路輕舟泊晚汀叩門訪高士翦燭注丹經屏暗  
花垂壁窓虛月上櫺洞天何處是金蓋一峰青

楊許傳真誥君書語更真但須行子午不必守庚申騎鶴



多仙跡呼猿話佛因明星照前路有約上湖濱

夜過吳江有懷壇中諸子

吳江遙憶晚風生

壇中贈行句

又傍吳江水郭行寶帶橋邊山

幾疊垂虹亭畔夜三更星沉遠渚漁燈影霜澀郵亭戍柝聲回首仙壇舊儔侶羽衣寒殿月華明

過鶯脰湖懷雲莊蜀中

君在墓頭山下我行鶯脰湖邊何日笠檐簑袂五湖春水歸船

我行鶯脰湖邊君在墓頭山下草堂萬樹梅花待汝西溪漁舍

題汪少海隴頭集聞有肅州戎幕之行故次首及之

一官艱蜀道辛苦入涼州紫塞開新堠黃河派上游羗雲屯虎帳洮雪壓狐裘定有弓衣織梅花唱隴頭

隴頭看太白西域又徵兵已報前軍捷方聯上將營關河分使節忠孝作長城絕域天山在勞君事遠征

史烈女詩

仁和沈守坤聘室

臣忠與女節心事最分明初意非求死中途敢望生黃泉酬素志白首等完貞終古南湖水澄波徹底清

石門夜泊

殘月夜昏昏扁舟過石門畦霜封菜把隴葉聚桑根寒犬吠深巷荒雞鳴遠村宵分宜小泊已凍草鞋痕

唐樓道中

玉潛棲隱處知是故鄉田遊子仍爲客

謂張晴厓

詩人已得仙

謂朱茗香

響鈴孤驛騎交繚兩來船定有豐年樂村莊正午烟

十一夜舟中玩月

寒月舟中見將圓尙未圓光騰漾氣上影逗夕陽先雪浪  
融金液氷輪碾玉天此中有丹訣知者卽神仙

自左家橋至松木場

菜畦寒綠壓疎塍曲港灣多古水澄暖日媚霜全作雨和  
風蘇岸漸銷氷聲連舵尾知逢簫影落船頭待起醫老樹  
寒蘆好風景惜無人解寫吳綾

汪小米又村兄弟以湖上借閒山館相假賦謝並寄  
家人

石函橋畔好精廬儘可焚香讀道書湖上新詩添本事仙人曾許借樓居

謝庭羣從總清華畢竟名家是舊家春滿庭階諸玉樹都因秋雪愛蒹葭

漢陂兄弟君家好勝序還知樂事偕竹院逢僧儘茶話偷閒何似借閒佳

山房祇合閒中住况對湖南幾疊山應有鄰僧話閒事借閒先借此翁閒

### 湖樓晚眺

一樓憑水北

樓名

對面卽南屏寒水鏡中白晚山簾外青

寺鐘初上月漁火欲分星有約全家住歸心付酒瓶

秦亭山省墓

秦亭山下土舊有草鞋痕斷蘚豐碑蝕斜陽宰樹溫蓼莪  
空雪涕松柏儘消魂欲去頻回首寒鴉戀墓門

湖樓客去孤坐寫懷

一行征鴈送斜陽隔岸林巒樹色蒼水影上牕兼上壁月  
痕窺案復窺牀鐘聲鄰寺微微動柝響高城漸漸長未了  
湖山清興在更憑殘燭揀詩囊

夜靜開門眺望月色滿湖卽目寫之

開門滿湖月月色在高城雲水眞如畫樓臺分外明波寒  
魚影定風遠鴈聲輕故國生羈思誰家玉筵橫

草堂

草堂新築後湖邊更買湖西十畝田和靖生涯惟隱逸稚  
川眷屬是神仙松篁陰裏開書閣荷芰香中過畫船暖臥  
烟霞涼臥月餘生贏得是閒眠

查春山舅氏自粵旋杭表弟書庭亦自津門乞養攜  
眷歸里展謁敬呈一律

儘付棋枰與酒卮草堂靜覺日遲遲家從雪北香南聚境  
與花晨月夕宜棣萼孫枝貽燕翼蘭陔子舍遂烏私慈親  
昨得歸來信正憶同懷感鬢絲

梅花樹

舊家池館好簾櫳池上烟光暮更濃岸草碧寒秋蛺蝶水  
花紅暈晚芙蓉最憐翠袖偏空谷曾倚朱闌尙幾重有約

美人湖上路畫屏巖壑話春涼

漁舟

湖心無落葉一葉卽漁舟有約隨雲水無心任去留林端  
送歸鴈烟外狎眠鷗我是鴟夷子年年汗漫遊

食菜

土膏原有味久識菜根香學圃遲中歲營園戀故鄉碧甘  
宜下酒黃嫩乍經霜比似吳菰好鄰翁餉夕陽

食筍

記得東坡語來參玉版禪擔留深隴上人語曉厨烟薄切  
添蠶脆輕調入饌鮮呼僮封簞籠更擬壓歸船

靈隱寺重修落成效金壽門

寶殿妙從劫火新金仙法界何嶙峋披雲涌翠又初地枯  
木寒巖多古春佛樹瘦於腸尊者天花艷似奉夫人仙靈  
所隱真堪隱絕勝覺場前世因

靈隱補梅軒題壁憶己未冬雪中陪琅嬛師聽琴過  
此今三十年矣

一枝隨意息紅藤烟外寒梅放未曾靈鷲近尋三竺路曇  
鸞誰是六朝僧詩壇客散停琴會書藏人來禮佛燈三十  
年來舊鴻跡滇雲江月感吳綾

韜光道中

一路看山入翠微幽篁掩映幾柴扉烟隨蘿帶飄僧笠風  
約松陰上客衣清磬聲遲雲出定天花香散樹忘機海門



湖落斜陽晚猶照橫空白鳥飛

過秋雪菴效丁龍御

半掩殘陽近水扉  
壞牆綠上薜痕肥  
欄庭葉落秋陰減  
檉案香留晚篆微  
雲片影疎浮斷磬  
雨絲涼嫩逗生衣  
老僧齋罷閒無事  
目送蘆田野鶴飛

晚過西溪入花隄效厲樊榭

芒鞋已踏晚烟痕  
山翠林香又一村  
風約樹聲過澗水  
月將花影上櫺門  
詩題僧院新泥壁  
酒貰田家老瓦盆  
絕似承天夜尋客  
滿庭荇藻話黃昏

贈峩嵒僧

千水千山得得來  
一瓶一鉢是生涯  
江雲縹緲扶筇杖  
海

雪蒼茫踏草鞋潭上諷經魚入定林間施食鳥投齋夜分  
閒話峨眉月松影參差翠轉階

十五夜月

美人湖上月今夜最盈盈乍向浮雲見疑從隔水生紅樓  
燈有影畫舫露無聲憶爾梅花樹低鬟無限情

十六夜月下送客效孫太初

林影迷離乍有無晚烟攜手踏平蕪山樓遂送雲歸嶺水  
寺鐘隨月渡湖寒影衝波看去鴈歸心繞樹感棲鳥何年  
來踐孤山約同醉梅花舊酒壚

山家

隨意入山徑偶逢三兩家蟲寒棲墜葉雞瘦啄殘花樵語

隔紅樹汲痕行白沙夕陽無限好小立看歸鴉

卽目

漁舟隔浦來隱隱數聲櫓如坐瀟湘船夜深聞雁語一鷺立疎烟紅濕蓼花雨

題米元暉楚山清曉圖

楚山清曉清如許虎兒妙筆真如虎更將濕翠染生綃中有楚烟兼楚雨烟深雨重山蒼蒼卷中一角疑瀟湘湘人掩閨玩湘翠雨中微覺湘花香我在漢臯三載佳門前半是垂楊樹烟銷雨霽不逢人樓外楚山碧無數

葛嶺涵青精舍

尙餘精舍古涵青落葉虛堂靜不扃雲笈七籤排紫閣琴

心三疊寫黃庭泉聲咽石奏清樂松影滿廊開畫屏便欲  
懷仙起高閣多君家世有丹經

十七夜湖隄閒步

高城魚鑰下層層波靜平湖夜色澄近市酒壚喧過客小  
橋鄰寺話歸僧滿船涼月人吹簫隔岸紅樓夜翦鐙欲撥  
爐灰無好句詩成空負硯池冰

聞笛

枕上聞漁笛悠然出遠汀聲催殘月白響入亂山青宿鴈  
衝烟起閒鷗臥水聽第三橋外路餘韻尚泠泠

乙酉冬日題嫺卿女士停琴佇月小影云一曲紅闌  
幾點星玉微何事與雲停嬋娟秋思深於水除却嫦

東坡全集卷二十一  
三  
娥不解聽畫裏園林澹寫秋舊家池館舊粧樓雲翹  
姊妹都仙去不撫湘絃已欲愁盡傷碧梧仙品諸女  
士之下世也今重來錢塘女士復以此卷索詩再題  
二絕卽用原韻

林風閨秀半晨星華表歸來鶴暫停莫更湘人奏瑤怨端  
娥不忍駐雲聽

人過中年便近秋學仙終日愛居樓近從靜照叅琴趣已  
洗凡心更洗愁

過周澹巖秦秋水堂

東青古巷夕陽斜人識錢塘處士家畫本居然摹北苑仙  
書祇合誦南華觀魚池館浮春藻夢蜨園林瘦晚花留得

百年喬木在虛堂  
晝靜聽啼鴉

聽雨

久晴思小雨  
枕上聽潺潺  
況此樓臺上  
眞如雲水間  
白橫三里霧  
青隔幾重山  
知有漁舟過  
一聲柔櫓間

湖上近況書寄家人

湖樓高臥夢魂清  
湖上芒鞋日日行  
僧舍午炊雲子飯  
酒樓宵薦月兒羹  
種完柏樹兼松樹  
聽慣鐘聲與磬聲  
營罷先塋便生曠  
青山隨處有佳城

睡起

睡起臨窓坐  
清暉滿目宜  
烟銷山影澹  
風軟水紋遲  
鄰寺鐘初動  
漁舟遽漸移  
餘生如此足  
妄念更何爲

輓李西齋周南卿

南卿豪放西齋冷各有詩詞寫性靈何意聯翩歸淺土致  
令寥落感晨星香銷箬葉新茶具寒醅梅花舊酒瓶惆悵  
蘭成賦懷舊晚烟何處弔西泠

湖樓夜雪曉起開窓四顧皓然望孤山樓閣宛然李  
營邱湖山雪霽畫卷也惜將解纜不克久留適妹婿  
李君秋厓冒雪走送書此留別卽柬城中諸故人

十日美人湖上宿湖月飛來濕寒玉天公恐我詩境枯玉  
女飛符召滕六北風一夜生峭寒玉塵萬斛堆青山曉起  
推窓望林麓置身疑在冰壺間昨向孤山訪梅鶴放鶴亭  
前梅破萼巢居老仙定高臥一任春烟畫樓閣四山寂寂

聲不聞南峯北峯高入雲雲中雪意應紛紛不知何處雲  
中君秦亭山前新種樹路入山雲最深處長松古柏墓門  
寒遊子歸心感霜露歸期既定不可留松場已泊蘭陵舟  
珍重故人走相送寒醺醉解青貂裘雲外征鴻迷眼纈揮  
手石函橋上別有約春燈醉玉簫一樽來話湖樓雪

湖上雜詩

金碧樓臺鏡裏天江城萬井起春烟御舟青雀今猶在

回首宸遊五十年

可莊爲南巡泊御舟處今  
蘭棹零落惟船尾青雀尚存

柳外紅墻夕照餘宮門寂寞翠華虛牙籤玉軸今誰管最

憶文瀾閣上書

文瀾閣新  
修落成

琅嬛當日開精舍兩浙經生盡在門國士無雙樓第一題



名碑上幾人存

拓訪經精舍題名碑  
有懷琅嬛師滇南

庫裏金錢留白傳湖中葑草浚坡翁綠楊移作甘棠樹能

繼琅嬛祇有公

帥仙舟中丞撫浙以鹽規三萬金  
存庫生息每歲以三千金浚湖

靈鷲峯前印綠苔雲林門對冷泉開應真五百金身現再

拜呼猿洞主來

靈隱謁  
濟迦像

梅莊園子暮雲停岳墓南枝古柏青多少蒼涼南宋感振

衣閒上翠微亭

登飛來峯新  
建翠微亭

不分詩聖與詩仙詩卷長留萬口傳是處青山起祠廟生

平李杜有因緣

李杜祠堂議  
自余發之

洞天清閬好樓臺轉眼繁華付劫灰太息鶴林寒玉露更

無野鶴解飛來

金鼓洞樓閣極  
盛近毀於火

綠上苔錢石案欹後湖流水漾漣漪一樽親酌花翁墓爲

有當年絕妙詞

斷橋酌孫花翁墓

西梅老興尚婆娑風味居然晉永和  
解爲華陽寫真逸勝

他金粟影維摩

西梅爲余畫貞白先生像

零落芳姿盡作塵湖山春社弔花神  
美人已自成黃土黃

土何年更美人

花神廟額廢盡矣

笳聲吹動走奚官當作唐人畫本看  
最憶征西人萬里雪

封戈壁馬蹄寒

曉見牧馬

烟外樵歌雜語聲晚來紅葉一肩輕  
山家辛苦何人識清

曉擔柴已入城

古水清流碧一渠忘機誰似玉泉魚  
滿湖星月寒波裏我

欲宵燈禁夜漁

漁舟張燈夜捕有違物性意欲禁之

湖面銜魚自在飛誰知意外有危機分明黃雀螳螂局祇

是當場悟者稀

魚鷹得魚爲獵者火鎗所中墮水漁者得之

坐對青山玩玉臺彩鸞翠鳳恍飛來羨他小宋風流甚收

拾金閨一代才

宋秋田以明閨秀扇面畫冊乞題

講堂書有諸生讀諫院名猶萬口傳畢竟愛才前輩好春

明解話廿年前

葛林園遇魏春松侍御不見將三十年矣

世事如棋蜀道難有人鹽鐵論桓寬他年重讀蕪城賦祇

恐瓊花徹骨寒

張雲巢直指來問揚州近事

罷官陶令問何如聞道駕湖小結廬珍重城東好華屋移

家肯讓葛洪居

吳兼山司馬罷官移家秀水許以城東澹遠樓屋相讓

蠕動含生總可矜生平口腹鄙何曾不如盡掃雞豚局老

作人間粥飯僧

放生不如戒殺戒殺不如止譏會故親友招飲皆謝之

海內才名傲醉侯春燈紅倚鸛鷄裘一尊莫話西征事滿

耳征鴻我欲愁

聽少海話西域事

戲魚潑刺戲鴻輕法帖諸家有盛名偶向寶賢堂外過隔

林遙聽打碑聲

張氏寶賢堂家石函橋以售帖爲業碑版極富

瓶鉢隨身自在禪城中乞食舊因緣經聲帆影窓前過知

是雲林盞飯船

林塢繁英幾樹梅巢居小閣傍花開有人倘問蘭因集定

付吳船遠寄來

巢居閣司鑰孫某言游人多問余蘭因集

雙碑蒼蘚立斜曛一塢寒梅隔斷雲落葉暝烟林影外偷

閒來酌小青墳

解纜前一日始作孤山之游

珍重鷗盟與鶴盟  
吳雲楚雨總關情  
負他湖淥兼山翠  
辛苦營園尚未成

回首琴河憶舊游  
蘼蕪香塚遲靈修  
勞君更寫蘭因館  
萬

樹梅花擁小樓

華竹樓不見十七年矣以蘭因館畫冊見贈賦此謝之卽補入畫牀新詠也

百年辛苦校蟲魚  
各有生平未刻書  
老輩消磨同輩少  
幾

番腹痛欲回車

謂秋藥仲雅南卿西齋諸君

畫筆應知更擅長  
淚痕和墨染秋光  
彩鸞失偶成黃鵠  
愁

絕金釵弟子行

女弟子顧螺峯出見詩以慰之

花簾笛譜寫新聲  
漱玉生香共此情  
我亦西泠舊詞客  
月

中閒按紫鸞笙

女弟子吳蘋香新刻花簾詞告成余爲作序

林梅蘇柳近紅樓嚼蕊吹花寫別愁一卷新詩飲湖綠美

人湖上美人遊

讀家靈簫女  
士西湖詩卷

不爲隨園步後塵湖山清曠但怡神絳紗都講人如玉也

有雲亭載酒人

芸卿玉卿兩女弟  
子以佳釀相餉

月靜花開筆一枝卅年離合儘相思訪君古巷秋聲館更

憶西冷七子詩

徐問蘧居近褚堂  
秋聲館舊址也

家有藏編富石渠松聲池館隱君廬聞君新刻臨安志乞

校西冷五種書

小米新刻臨  
安志將告成

故人有子似斜川解賦新詩解學仙惆悵見遲兼別早清

譚記取後湖船

借及門黃菊生  
孝廉同訪孤山

落葉宮槐噪晚烏衝寒閒踏舊青蕪腰間尚有金龜在來

問梅花舊酒鑪

隔湖相望水泠泠山舫應知富酒瓶欲訪詩僧偏不暇小樓日日對南屏

欲訪松光贖溪六舟諸詩僧以事不果

三面青山接檻平鄰鐘初動晚烟生樓居祇有西湖好夜

夜開窓對月明

湖樓小住十餘日無夜無月恒倚窓玩之

紅樓隔水曉烟低貪看青山過白隄一夜美人湖上雪梅

花開過斷橋西

曉起對雪孤山僧以梅花相餽

雁齒橋邊鳴背船蓑衣閒枕夜霜眠波平如鏡天如水一

箇魚鷹盡曉烟

曉波如鏡魚鷹飛空中上下相映畫所不到真佳境也

棠棣碑前說雁行謝庭羣從亦聯芳衰宗多抱無田感何

日營成小義莊

小韓姪壁間題范文正公義莊田記

鼓吹聲長送到山一棺從此棄山間君看漏澤荒園塚儘

有華紳與翠鬟

藏溺風水停棺不葬今官爲收瘞者皆子孫擇地過嚴者也

我佛如來觀世音名山處處禮祇林蓮臺鑒取焚香供一

卷金經孝嬪心

徧禮湖上招提以子婦汪端所刊高王觀音經供奉施捨

草堂何處隱君家秋葉經霜絢晚霞一樹夕陽紅近水居

然小謝句清華

奉慈姪西湖詩有一樹夕陽紅近水七字頗佳

餞歲年華短景催深林暖氣早春回紅天竺子黃梅蕊都

在山僧擔上來

高臥青山白髮生主人原是舊鷗盟尊前笑聽蕭奴語野

鴨浮來爲送行

野鴨呼羣浮至門前張蓉言爲主人送行也

紙錢灰颺起樓烏麥飯年年奠一盂更爲前人保遺塚司



農籍裏代輸租

秦亭山墳鄰金氏塚久缺祭掃余每掃墓附祭之更與同墳湯姓約余爲代輸墳捐

不得毀其塚樹有質劑焉

絲雞螭燕近殘年情話殷勤餞別筵玉版筍香黃菜嫩儘

將鄉味壓歸船

親友餽故鄉食品者甚衆

稚川仙藥留丹竈和靖梅花守鶴雛是我他年棲隱處仙

姑山下美人湖

### 輓林敏齋觀察

風簷刻燭憶琅嬛漢上題襟又幾年把酒共吹黃鶴笛揮毫曾試赤烏韞辛家樓遠雲銜月丁字沽寒樹隔烟回首武昌舊城郭斜陽衰柳更淒然

將旋吳門留別里中故人

終踐鷗盟此息機卅年回首已知非  
右軍有墓何須誓  
予無田也合歸已釀仙家松菊酒  
更裁處士芰荷衣卜居  
正與孤山對翠淥園林近水扉

題蒞林方伯淞泖扁舟圖

江南自古稱澤國劉河屢淤白茆塞一江洩水賴吳淞周  
夏諸賢有遺則國朝首數莊中丞水利力爲農民興上  
通三泖下黃浦脉絡彷彿酈桑經淮南阮公昔撫浙心識  
具區關蓄洩思合六郡浚三江遠謀深苦無人識嘉慶己未阮師  
撫浙議合浙西六郡民力浚吳淞札商蘇撫某公以煩鉅不行我官江左三十年每因水  
利緡遺編旋浚旋淤乏良策屢見滄海成桑田蒞林先生  
抱經濟力爲三吳籌水利扁舟幾度過吳淞更溯泖湖覽

形勢圖泖圓接長泖長有人束手方徬徨爲籌經費畫經  
界利濟豈獨關舟航雞墩雁浦流愷澤至今淞鄉同洋洋  
畫圖能寫賢臣意善後更須籌久計我欲閭門訪謝生與  
話遲羅浚船製鄞人謝賊梅得遲羅浚船法本英吉利人所製河心取土極爲便利

又題練湖三圖

練湖在京口上游本東晉陳敏所開爲徒陽兩河  
蓄水濟運之區歲久淤塞旱潦無備茲圖紀修復  
湖上之黃金牖及移建運河黃泥牖而作一圖衝  
雪紀相度也一圖道暑紀程工也一圖迎水紀藏  
事也徒陽兩河每歲挑浚爲江南官民之累公與  
雲汀中丞雨樓太守同心協力次第修舉已收洩

寸增尺之效更益以濬湖培隄善後之策數百年  
之積弊將一舉而空之斯不朽之業也獲預觀覽  
敬題四詩

澄江靜如練茲湖尤著名六朝佳麗地顏謝娛詩情積久  
漸淤塞湖水居民耕尺寸各自利塘埭紛縱橫曲阿達京  
口水驛通郵程江湖挾沙至夾岸菱蘆生挑濬苦官吏經  
費籌水衡豈無經久計利涉東吳杭

襄勤昔守郡曾作練湖志上溯元嘉年頗詳東晉事咨度  
及鯁生廣座叅末議膏腴豪族兼礪礪小民利前代藻舟  
娛高下盡平地惟見麥浪翻山光映空翠志欲復舊規艱  
鉅殊不易惟餘一卷書留重人間世

功成非偶然三賢同宦轍陶公旣公忠趙守亦明哲方伯  
八閩才卓犖更人傑盛夏凌炎歊嚴冬犯風雪兩廂籌位  
置鈴束加局鑄關鍵乃得宜足以資蓄洩勞怨兩不避忠  
信斯明決功成濟糧艘譙訶變欣悅

一圖寫衝雪寒林暗頽津一圖寫追暑遙峯覽奇雲一圖  
紀成功迎水如迎賓紀以數篇詩意樸語更真少陵與香  
山樂府同清新更爲善後計高文播華紳舳艫利行旅濯  
漑資農民我作李華頌萬古江南春

上海袁冲之

蟾客

茂才寫隨園夢樓及余像爲一幀

介序伯書來索詩賦此謝之

秣陵京峴兩家詩都是人間絕妙詞慧業賦來原我輩性

靈叅透卽吾師未妨贅幣通前哲應有文章替左司我亦  
生平渾未識他年圖畫覽風姿

年來學道悔詞章姓氏難銷翰墨場何意豐干話寒石又  
勞摩詰寫襄陽前塵或有三生石後世應留一瓣香韓老  
何妨同列傳青天黃鶴各飛翔

盧橘菴圖一

葉甥調生家在洞庭東山莫釐峯下白沙村地產  
枇杷最美大女華奴因余嗜此爲種一林余題之  
曰盧橘菴薌香作圖以紀之因題此詩

嶺南荔支不可得且向江南啖盧橘江南盧橘何處佳莫  
釐翠積千峯苔堦鄉卽在茲山下湖繞白沙好村舍種出

千林金彈丸買夏論園美無價蘇臺四月清晝長釣籠壓  
擔來吳航雛姬十五美如玉纖手細剝蓮花香水亭四面  
綠陰重嫩浥仙漿凝寶甕星懸玉李鶯黃嬌云是耦耕親  
手種年來作客瀟湘湖縮地那得壺公壺漢南楊柳暗朝  
雨憶煞淮南櫻筍廚園中風景何人補東園載酒招漁父  
題破君家盧橘菴不羨君謨荔支譜

讀友人秦中詩

何處詩人舊草堂詠懷古跡氣蒼茫川原寒壓千盤雪金  
石烟蘊萬瓦霜華岳雲低秦苑樹黃河月上漢宮牆卽今  
壯士西征路極目塵沙弔戰場

鴉片

鴉片今鴆毒來自利未亞厥種倭芙蓉區種若穉穉一從  
通市舶流播徧區夏泥客醉醇醪熏人馥蘭麝妖姬與蕩  
子顛倒忘晝夜癖好等嗜痴餘味勝啖蔗蓼蟲與桂蠹積  
久因漸化心竅作蟲窠聽至蟲出罅捲曲若尸厥厥狀殊  
可詫漸染及輿臺辛苦百錢貰寒餓任妻孥曾不相假借  
中土近亦多鶯粟色嬌妃天台近海濱種植代耕稼年來  
更蔓延幾欲數州跨官府設科條犯者罪毋赦愈禁犯愈  
衆鞭笞曾不怕彼國懸令甲厠禁一何霸食此必誅殛嚴  
過十字架明知流毒甚以禍遠相嫁奈何酣豢者戀此若  
姻婭貨幣不能易質劑不相假交易必精鏐鑿弓巧持駟  
巨艦壓滄溟險浪平如砥嶽貢與川珍消若堰啓埧我有



昔口藥厥性兼補瀉龍宮出禁方仙翁勞鶴駕刊刻藉流通數頁伴書帙所願惡習除稍冀善緣迂無如痼疾深溺人甚滯潮諱疾等拒諫甚或劉四罵豈真代兵劫孽重積嵩華要本邪氣耳嘗試事猶乍所賴粵權廉事權勿逮下譬若淬銛鋒太阿持其柵譬若馳輪轂六轡握其靶良田去稂莠所恃利齒杷日久元氣回軍牙不須禡內地積弊久去之宜示暇任其渡關津亦聽設館舍不必拘文法但須定官價貴貿而賤易有利無可射販者既不行嗜者將焉藉如嗜口腹人空羨牛心炙疲俗與頽風庶幾久自罷通洋始前代萬里雲帆卸金錢耗中國夷情實狙詐至今澳門居金碧煥臺榭其人可耕牧其地宜桑柘正本與清

源所宜閉關謝世富人老壽伏臘歡祭蜡

洮湖放雉

憐君性耿介亦復富文章翦翮非吾意開籠任爾翔春茸  
林藪遠秋渚水雲長努力高飛去危機慎稻梁  
物性同吾性忘機在息機須知世羅網亦爲爾毛衣淺草  
藏媒誘高原帶箭飛眼前皆覆轍此去要知幾

舟夜玩月

深夜上明月薄雲成彩霞雲破玉輪出素魄流寒華夾岸  
多老樹水面枝橫斜微聞暗香來疑有山梅花林中見燈  
影茆屋三兩家居人半掩閨行客猶放艫荒葦滿前汀宿  
鴈呼圓沙正憶綺窓人夜烏啼碧紗

宜興道中寄梅麓

每過宜興縣停橈有所思  
烟霞善權洞金石國山碑  
雅集荆溪樹躬耕陽羨田  
好師蘇玉局休羨杜樊川

有客遙相憶金陵與武林

謂竹嶼少海

黃榆憑去雁青李寄來

禽

風雪殘年裏歸帆已挂無  
梅花春酒熟待子論河渠

梁溪道中玩月

昨夜洮湖月清寒皎如彼  
今夜梁溪月清華艷如此  
我泛扁舟來月向高城起  
夜山黯殘畫龍臥呼不起  
微聞寒殿鐘瑤壇禮仙子  
天水兩明月同行復同止  
偶然蘭杜停玉鏡澄寒水  
情話盼來宵吳苑明霞綺  
一翦玉梅花擁髻紅

窓裏

雪夜聞雁懷西征將士

雁聲寒壓楚江秋  
話到西師我欲愁  
回紇地形通瀚海  
吐蕃心事屬維州  
珠崖路遠談何易  
玉壁城堅戰未休  
惆悵羽書飛鳥驛  
幾番辛苦博封侯

西賊如何膽不寒  
受降城外築軍壇  
中樞燈火籌邊急  
左藏金錢轉餉難  
關隴有人兵氣壯

楊宮保駐肅州

江淮無事

帝心安諸君早定  
檢渠策馬後桃花  
雪易乾

對雪憶西湖

一夜吳門雪  
全家入畫圖  
雙鬟寒炙硯  
半臂煖圍爐  
簾影飛蝴蝶  
箏絃唱鷓鴣  
小樓臨水北  
正憶美人湖

美人湖上雪應復似蘇臺桃葉清尊共梅花水榭開遠鐘  
寒寺出柔櫓畫船來幾處畱鴻跡青山有綠苔

書澄懷堂遺詩後

桂宮與玉局一例隸文昌位業超青劫因緣證紫閣錄編

新冊府訛校舊書堂

云昔爲桂宮校訛  
今爲玉局司錄也

我亦前塵在人天

惜渺茫

余有玉局修書圖  
雲間仙壇所示也

梵明三生佛逍遙十種仙談經小精舍證果大羅天名重  
能消福才多亦損年最憐人世事賸有一編傳

立春前一日對雪詠懷

應是天心念老農同雲催向臘前濃小樓聽雨飄疎箔老  
樹和烟畫遠峯隴阪北來方轉餉河源西去正傳烽征人

空作封侯夢戈壁寒深鎖萬重

除夕

柏子薰爐裊篆烟晚晴好是夕陽天祭詩瘦島終成佛守  
歲髯蘇且學仙桃葉粧成深閣裏梅花香到綺牕前頻年  
江漢銷春鴈惆悵雲帆上水船